

Dr Piccard als Basels Ehregascht

Mel.: Isch das nit . . .

Wenn ych al Piccard jetz au sing,
So schetz ych Basel trotzdem gring:
Me het mir jo nit gratuliert,
Doch mit mym Namme schwär blagiert!
 Betracht ych mängs jetz uus dr Neechi
 Anstatt uus slächzähdausig Heechi,
 So glaub y, dass y 's Richtig braich,
 Wenn y sag: 's isch alles Giggelsaich!

Die Würger- und Gebär-Bartey,
Die gwagglet lengscht scho in de Gney;
Doch d'Schnure laufe wie die vom Hummel —
Das merggt me bim Theater-Rummel!
 Wellauerischi langi Stange —
 Dy Schnure kennt me jo efange:
 Si unterschaidet sich kal Spuur
 Vo där vom Steuri (— vom Eggebuur)!

's Staatshallebad wird als no nyt —
Dr Aemmer löst sich rychlig Zyt!
Aer gnütscht voll Ruch uff sym Brissago
Und dänggt: Oh Hallebad — oh lago!
 Aer maint halt, das bressier nit so,
 Er wiss jo, wie's wärd useko:
 Es wärd jo uus däm Hallebad
 Doch beschtefalls — e Schnallebad!

«Was het denn d'Hitlere bis uns z'sueche?»
So hersch Aends Juli d'Burger flueche!
Blakätli hange: «Hitler spricht!»
Uff d'Bundesfyr hi — scheeni Gschicht!
 Dä maint wohrschynlig, an sym Wäse
 Mies wider emole d'Wält «genäse»?
 Dä wurde mir bezytte spaiche —
 Dä soll bi dytsche-n-Aiche . . . laiche!

Y weiss nit, ob dä Bau Ihr kennet:
D'Tribüne-n-isch's vom Gordon Bennett!
Kai Fidle gschsch druff obe hogge —
Heegschdens e Heer Regierigsmogge!
 Z'verwundere-n-isch es nit! Bewys:
 Die häll verruggte-n-Ytrittsprys!
 Dr Burger schmeggt — mir lychtet das y —
 Fir dä Prys lieber sy aigeni «Gasi»!

Liechtwuche hänn si z'Ziri gmacht —
Die ganzi Wält het driber glacht!
Und iber sälli Liechtfontäne,
Do lache hitt no d'Resser Dräne!
 E Schnure-n-am e Zirchergrind
 Ych ohni Liechtliwuche find —
 Me ka si gar nit groos gnueg moole —
 Gschsch dur si dure d'Ylagsohle!

E Granggeschweschter het fünf Stägge —
Drum paggt e Deggel si bim Fägge!
Wo isch's bassiert? Nadyrlig z'Ziri:
Das fällt au nur de Zircher «Schmir» y!
 In Basel an dr Falgnerstrooss
 Zieht mänggi mit fünf Stägge los!
 D'Polype kenne die Semeschter —
 's isch mängi au e «granggi Schweschter»!

Me stellt doch z'Basel 's maischti lätz a:
Lueg numme-n-emol die grosse Blätz a!
Uff Aesche-, Wettschtai-, Bundesblatz,
Do gschsch ai dolli Graisel-Hatz!
 Er kennt glaube, was Er wänd:
 Das isch 's Baudepartemänt!
 Und das isch irgend sone Blatz —
 Und dr ganzi Schyssdrägg isch fir d'Katz!

Kemmet alli am Sunntig z'Obe in grosse Muusig-
saal zuem Schlussobe vo de Comité-Schnitzelbank.